

# ያኑሲ ማደ"ም ዳኪንቴ ጳውሎሴ ፪ሞቴዎሴም ቤርታሲ ዳኬ ኪኢቶ" ዓይያ ካሮ"

፪ሞቴዎሴ ጌይንታ ኪሪሰቶሴ ጉሙርቃ ጳጌህኮ ሸይንታ ዳኮ" ሲሲያ ጌይታዘይዳ ማዓዛ፡ ሲንዶ ዜርፃ ሲዘኮ ዓይሁዴ፥ ዓዶ ዜርፃ ዓይሁዴ ማዓባኣ ገሪኬ ዓሲኬ፤ ሲዚ ጳውሎሴኮ ላጌ ማዓያ፥ ሃሣ ኮዠ ሃይሶ ኬኤዚያ ማደ"ና ዴማ" ማዓ ዎላ" ማዳያኬ። ጳውሎሴ ሲዛም ቤርታሲ ፃኣፔ ኪኢታ" ሃይሃ ጳኤፔ ጳኤፔ ማሊሂ ዓርቄያኬ።

ቢያፓ ቤርታሳፃ፡- ሲዘኮ ኪኢታ" ሸኢጲያ ማኣሮይዳ ዔቄ ሉኡዙሞ ዔርዚያ ዛሎ" ላቴ" ኬኤዛያኬ፤ ዩይ ዓኪ ማዔ ዔርዚያ ዛሎ"ና ዓይሁዶ ዓሶ ማሊያ፤ ዛሎ"ና ሃሣ ዓይሁዴ ማዓባኣ ዓሳ ማላ ባኮ ዓርቄያ ማዓዛ፥ ዩና ማሊያ፡- «ሓይ ጴዳ ዓጫ" ጎሜና ፑርቴያ ማዔሂሮ ዓሲ ዳቃኒ ዳንዳዓሂ ዴማ ማዔ ዓኣሽንቴ ዔራቶና ገንሣ ፔቴ" ፔቴ" ሙኡዚ" ሃሺ"ሂና ዔኩዎፃ ገንሣ ሎውዎፃ ሃሺ"ሂናኬ» ጋዓያኬ። ሓሣ ገንሣ ጳውሎሴኮ ኪኢታ" ሸኢጲያ ማኣሮ ዎይሃንዶ ጎይሂና ያኑሲ ካኣሽኪሂ ዎጌ፤ ሃሣ ሸኢጲያ ማኣሮ ዎይሃ ዓሶና ዔያቶኮ ዴማ" ማዓ ዎይሂያ ማደ" ማዳ ዓሳ ዎይቴ ናንጋንዳቴያ ዔርዛ ማሊሂ ዓኣያኬ።

ጋፒንያይዳ ፪ሞቴዎሴ ዩሱሰ ኪሪሰቶሴም ኮሺ ማዳያ ዎይቲ ማዓኒ ዳንዳዓቴ፤ ሃሣ ዴማ ዴማ ኪሪሰቶሴ ጉሙርቃ ዓሶ ዛሎ" ሲዛም ሲንገንቴ ማደ" ዛሎ" ጳውሎሴ ሲዛ ዘራ ዘሮ ዓኣኤ።

## ማፃኣፔላ ዴማ ዴማ ዓርቄ ባኮ

ዓይያ ካሮ" 1፥1-2  
ሸኢጲያ ማኣሮ ዛሎ" ዓይሂንቴ ዓይሥሂ 1፥3—3፥16  
ጳውሎሴ ፪ሞቴዎሴም ዓይሂ ዓይሂያ 4፥1—6፥21

1 ኑና ዳቄሻያ ማዔ፥ ያኣዛሂና ኑኡኮ ሃገ ማዓንዳ ዎዛሂ ማዔ፥ ዩሱሰ ኪሪሰቶሴ ዓይሂያና ዩሱሰ ኪሪሰቶሴም ዳኪንቴ ማዳ ጳውሎሴይዳፓ፡-

2 ያኑሲ ጉሙርቄያ ዛሎ"ና ጎኔ ታኣኮ ናዓሂ ማዔ፥ ፪ሞቴዎሴም፤

ኑ ዳዳሢ፡ ያዘዛሢ ደገ ሃሣ ኑ ጎዳሢ፡ ዩሱስ ኪሪስቶስ ይደገ ኮሹሞ ዒንጊያና ማኣሪሢና ሃሣ ዎዛና ኔኤም ማዖንጎ፡፡

**ሉኡዙሞና ዔርዘ ዔርዘያ ዛሎ" ኬኤዚንቴ ባኮ**

3 ታኣኒ ሜቁደኒያ ዓኣዲቤቃ ኔኤም ላቴ" ኬኤዜ ጎይዖ ዔፕሶኔይዳ ዳዔ፤ ዒኣኣካ ዓኣ ፔቴ" ፔቴ" ዓሳ ሉኡዙሞ ባኮ ዔርዙሞጉዲ፡

4 ሃሣ ዓሳ ማዒባኣ ሃይሴና ጋፒንሢባኣ፡ ዓሶ ዜርዖ ፓይይይዳ ጌሉሞጉዲ ዔያቶም ኬኤዜ፤ ዩያጉዴ ባካ ማርሞ ማክኣፓዓቴም ጉሙርቁሢና ማዲንታ ያኦሲ ማዶ"ም ማኣዳ" ባኣዚ" ባኣያኬ፡፡

5 ሃያ ዓይሢያኮ ማሊፃ ጋዓንቴ ጌኤሺ ዒናፓ፡ ኮሺ ማሊሢዳፓ ሃሣ ጎኔ ጉሙርቁሢዳፓ ጴዳ ናሹሞ ዛላኬ፡፡

6 ፔቴ" ፔቴ" ዓሳ ዩንሢ ባካ"ፓ ዲማዲ ፓሡሞ ማርሞ ባንሢ ማዔኔ፡፡

7 ዩያ ዔያታ ማዳሢ' ሙሴ ዔርዜ ዎጎ ዔርዛ ዓሶ ማዓኒ ኮዒ ማዓንዳኣፓዓቴም ዔያታ ማርማ ባኮ ዛሎ" ኮሺ" ዔሩሞያኬ፤ «ጎኔ ባኣዚ"ኬ» ዔያታ ጋዓ ባኮሞ ጳቁሢ ዔሩሞያኬ፡፡

8 ዓሲ ሙሴ ዎጎ ፒዜ ማሊሢም ማዶይዳ ፔኤሹቶ ዎጋ" ኮሺ ማዔሢ ኑ ዔራኔ፤

9 ሃሣ ዩይ ዎጋ" ኬስኬሢ ኮዦ ዓሶም ማዒባኣሢያ ኑ ዔራኔ፤ ዎጋ" ኬስኬሢ' ዓይሢንቶ ዒፃ ዓሶና ፑርቶ ማዶ ዓሶናም፡ «ያኦሲ ዔሩሞሴ» ጋዓ ዓሶና ጎሞ ዓሶናም፡ ያኦሲም ማዒባኣ ዓሶና ዓያኖ ዛሎ" ባኮ ቦሃ ዓሶም፡ ዓዶና ዒንዶና ዎዶ ዓሶና ዓሲ ዎዶዞንሢናም፡

10 ማቾ ሃሣ ዓኒ ማዒባኣ ዓሶና ላሃ ዓሶም፡ ዓቲንቆና ላሃ ዓቲንቆም፡ ዓሲ ሻንቺ ኮርማ ዓሶና ሉኡቃ ዓሶናም፡ ሉኡዙሞና ጫኣቃዞንሢና ጎኔ ማዔ ባኮ ዔርዚያይዳፓ ዲማ ማዔ ባኣዚ" ማዶ ዓሶምኬ፤

11 ዩና ጎኔ ማዔ ባኮ ዔርዚያ ጴዳሢ ዓንጂንቴ ያዘዛሢም ታ ማዶንዳጉዲ ታኣም ዒንጌ ኮዦ ሓይሶይዳፓኬ፡፡

**ጳውሎሴ ያኦሲ ኮሹሞር ጋላቴ ጋላቶ"**

12 ታና ፔ ማዶ"ም ደኦሪ፡ ጉሙርቁንታያ ማሢ ታና ፓይዴ፡ ዎልቆ ታኣም ዒንጌ፡ ኑ ጎዳሢ ዩሱስ ኪሪስቶሴ ታ ጋላታኔ፡፡

13 ዎዚ ሓያኮ ቤርታ ኪሪስቶሴ ታ ጫሽኬያ፡ ዒፃ ደውሴያ ሃሣ ሱ'ንዖዎ ታ ዒዛኮ ባይዚሴቴያ ዒዚ ታኣም ዩያ ጉሴ ዓቶም ጌዔኔ፡፡

---

1:2 ዳኪ. ማዶ" 16፡1፡፡

ዓይጎር ጌዔቴ ዬያ ቢያ ታ ማዳሚ' ዔሩዋጋ ሃሣ ታ ዒዛ  
ጉሙርቁባኣጋ ማዳሚሮኬ።

14 ዬሱስ ኪሪስቶስና ዎላ" ኑኡኮ ዓኣ ፔቱሞ ዛሎ"ና ጴዳ  
ጉሙርቁጋና ናሹሞና ዎላ" ያኦሲኮ ኮሹሞ ዒንጊፃ ባሼና ታኣም  
ሚርጌኔ።

15 «ዬሱስ ኪሪስቶስ ጎሞ ዓሶ ዳቁሻኒ ሃያ ዓጮ" ሙኬኔ» ጋዓ  
ቃኣላ" ጎኔ ሃሣ ዓሲ ቢያ ጉሙርቁ ዔካኒ ኮይሳያኬ፤ ጎሞ ዓሶ  
ቢያሢዳፓ ባሼ ጎሞሲ ታናኬ።

16 ጋዓንቴ ዬሱስ ኪሪስቶስ ዒዛ ጉሙርቆዞንሢና ናንጊና ናንጊ  
ዴንቃንዳዞንሢናም ጋፑዋ ጊቢ" ዳንዳዒፃ ጎሞ ዓሶፓ ባሼ  
ማዔሢ፣ ታና ኮኦኪንሢ ማሂ ዳዋኒ ጎሞ ታኣም ዓቶም ጌዔኔ።

17 ዬያሮ ናንጊና ካኣቲ ማዔ፣ ሃይቁዋኣሢም፤ ሃሣ ጴዳዋ፣ ፔቴ"  
ያኦዛሢም ቦንቾና ጋላታና ናንጊና ዒዛም ማጋንጎ፤ ዓኣሜን።

18 ታ ናዓሢዮ ጊሞቴዎሴ! ሃያኮ ቤርታ ኔ ዛሎ" ኬኤዚንቴ  
ያኦዛሢ ማሊፃጉዴያ ሓያ ዓይሢፃ ታ ኔኤም ሃዳርሲ ዒንጋኔ፤ ያኦሲ  
ማሊፃ ኬኤዚንቴ ጎይፃ ዛጊ ያልቴ፤

19 ያኦሲ ጉሙርቁሢና ኮሺ ዒኔና ኔኤኮ ዓኣያ ማጋንጎ፤ ፔቴ"  
ፔቴ" ዓሳ ዒኔ ባይቁ ፔኤኮ ጉሙርቁፃ ዣኣሊሲ ባይዜኔ።

20 ዔያቶ ባኣካ"ፓ ሄማኔዎሴና ዒሰኪንዲሬና ዓኣኔ፤ ዔያታ  
ያኦሲ ጫሽኪፃ ሃሻ"ንዳጉዲ ፃላሄም ታ ዔያቶ ዳኪ ሃሹ"ያኬ።

## 2

ሺኢጲፃ ማኣራ ያኦሲ ካኣሽኮንዳ ጎይሢ

1 ዓካሪ ቢያፓ ቤርታሲ ኔ ዛላ፣ ሜሌ" ዓሲ ዛላ ሓሣ ዓሲ ዛላ  
ቢያ ሺኢቃንዳጉዲና ጋላታንዳጉዲ ታ ኔና ዞራኔ።

2 ዓያናና ዓኣ ዓሲ ማዒ ሃሣ ኮሺ ዓሲ ማዒ ኮሹሞና ዚቲዮ ጌይ  
ኑ ናንጋንዳጉዲ ባሼ ካኣቶ"ና ቢታንታ ዓኣ ዓሶናም ሺኢቁዋቴ።

3 ዬይ ኦና ዳቁሻ ያኦዛሢም ኮሺ ማዔያ፣ ሃሣ ዎዛሳያኬ።

4 ዓይጎር ጌዔቴ ያኦሲ ማሊፃ ዓሲ ቢያ ዳቃንዳጉዲና ጎኑም  
ዔራንዳጉዲ ማዔሢሮኬ።

5 ያኦሲ ፔቴ"ኬ፤ ዓሲና ያኦሲና ባኣካ" ማዒ ጊኢጊሻሢያ  
ፔቴ"ኬ፤ ዬይያ ዓሲ ማዔ፣ ዬሱስ ኪሪስቶስኬ።

6 ዓሲ ቢያ ጎማፓ ጌኤሺ" ዔካኒ ፔና ዓሶ ዛሎ" ዓኣሢ ዒንጌሢ  
ዒዛኬ፤ ዬይ ኮይሳ ዎዳ" ሄላ"ዛ ያኦሲ ዓሲ ዳቁሻኒ ማሌ ማሊፃ  
ዔርዛ ማርካ ማዔኔ።

7 ታኣኒያ ያኦሲ ጉሙርቁሢና ጎኑሞና ዛላ ኬኤዛገዳጉዲ ያኦሲ ማደ"ሞ ዳኪንቴያ፡ ሃሣ ዔርዛ ዓሲ ማዒ ዓይሁዴ ማዒባኣ ዓሶሞ ዳኪንቴሢ ዩያሮኬ፤ ዩያ ታ ጎኔ ኬኤዛገዳጉሞ ሉኡቁዋሴ።

8 ዓካሪ ቢያ ቤዘይዳ ዓኣ ያኦሲሞ ዲማዴ ዓተንቃ ጎሪ"ንቴና ዑራና ሃሺ" ኩጮ ለካ ዔቁሲ ያኦሲ ሺኢቃንዳጉዲ ታ ኮዓኔ።

9 ዩያጉዲ ላኣላ ሃሣ ቶኦኪ ማዢሢና ዋርቄ ፓልሞ ፓልሚሢና ሚዛጰ ፓልማ ዓኣያ፡ ሃሣ ገንሣ ሚርጌ ሚኢሹ ዔካ ማኣዎ ማይንቴ ፓልሚሢቱዋንቴ ሹሌዑሞና ፔኤም ኮይሳ ማኣዎ ማይንቶንጎ።

10 ያኦሲ ካኣሽካኔ ጋዓ ላኣላ ማዳኒ ኮይሳ ጎይዎ ኮሺ ማደ ማዲሢና ፓልሚንቶንጎ።

11 ላኣላ ዚቲ ጌይሢና ዓይሢንቴሢና ዋይዚ ዔራያ ማዎንጎ፤

12 ላኣላ፡ ዓተንቄ ዔርዛያና ዓተንቄ ዋይሣያ ማዓንዳጉዲ ታ ኮዑሞ፤ ዒዛ ዚቲ ጋዓንዳያ ኮይሳኔ።

13 ዓይጎሮ ጌዔቴ ቤርታ ማዢንቴሢ ዓዳኣሜኬ፤ ገንፃፓኬ ሒዋና ማዢንቴሢ።

14 ሃሣ ገንሣ ፃላሄና ጌሺንቴዞና ያኦሲኮ ዓይሢዎ ዳቢ ሓሽ"ዛ ላኣሌሎ ማዓንዳኣገዳጉሞ ጌሺንቴሢ ዓዳኣሜቱዋሴ።

15 ያዲ ማዔቴያ ላኣላ ያኦሲ ጉሙርቁሢና ናሹሞና ዓኣያ ማዒ ሃሣ ያኦሲሞ ፔና ዲማሲ ደዴቴ፡ ገንሣ ሹሌዔ ማዒ ናንጌቴ ናይ ሸይሢና ዳቃንዳኔ።

### 3

#### ሺኢጲያ ማኣሮ ዋይሣ ዓሶ ዛላ

1 «ፔቴ" ዓሲ ሺኢጲያ ማኣሮ ዓሶ ዋይሣ ዓሲ ማዓኒ ኮዔቴ ኮሺ ማዳኒ ኮዓኔ» ጌይንታ ቃኣላ" ጎኔኬ።

2 ዩያሮ ሺኢጲያ ማኣሮ ዓሶ ዋይሣ ዓሲ ያዲ ማዓኒ ኮይሳኔ፡- ደንኪሳ ባኣዚ" ባኣያ፡ ፔቴ" ላኣላ ዔኬያ፡ ኮይሳ ጎይሢ ናንጋያ፡ ፔና ዔሪ ዋይሣያ፡ ቤሲ ዔሪ ማዳያ፡ ዓሲ ሸኦቹንሢ ዔካያ፡ ዓሲ ዔርዛኒ ዳንዳዓያ፡

3 ዑሸኪ ማሢንቱዋያ፡ ዓሲና ዣሉዋያ፡ ሹሌዔ ዓሲ፡ ኮሺ ዓሲ፡ ሚኢሹ ባሹ ናሽኩዋያ፡

4 ፔ ናኣቶ" ዒዛም ዓይሢንታያና ቦንቻያ ማሢ ዲቹ፡ ፔ ማኣሮ ዓሶ ኮሺ ጎይሢና ዋይሣ ዓሲ ማዓንዳያ ኮይሳኔ።

2:7 2ዲዋ. 1፡11። 2:9 1ጴዲ. 3፡3። 2:13 ማዢ. ማፃ 2፡7፤ 2፡21-22።  
2:14 ማዢ. ማፃ 3፡1-6።

5 ዓሲ ፔ ማኣሮ ዓሶ ዎይሣኒ ዳንዳዒባኣያ ማዔቴ ያኦሲ ዓሶ ዎዲ" ዎይሣኒ ዳንዳዒንዳይ!

6 ፃላሄ ያቶርሞና ሄርሺንቲ ሎኦሚ፣ ፑርታና ዎጊንቲ ጎይያ ማዕ-ዎጉዲ ኪሪሰቶሴ ጉሙርቂ ዶዲባኣ ዓሲ ሺኢጲያ ማኣሮ ዓሶ ዎይሣያ ማጋገጥ።

7 ደንኪንታ ዓሲ ማዒ ፃላሄ ፒሮይዳ ጌሎዎጉዲ ኪሪሰቶሴ ጉሙርቂዎ ዓሳ «ኮሺ ዓሲኬ» ዒዛ ጋዒያ ማጋገጥ።

**ሺኢጲያ ማኣሮይዳ ዲያቆኔ ማዒ ማዳ ዓሶ ዛላ**

8 ዬያጉዲ ሺኢጲያ ማኣሮይዳ ዲያቆኔ ማዒ ማዳ ዓሳ ቦንቺንታያና ጌሰታ ጌኤዞና ጉሙርቂንታያ፣ ሚርጌ ዑሺ ሱኡካዲዎያ፣ ሚኢሺ ዳንቃኒ ሌሊ ጳሽኪ ሃንቱዎያ፣

9 ኪሪሰቶሴ ጉሙርቂዎ ዛሎ"ኮ ዓኣሺንቲ ማሊያዎ ጌኤሺ ዒናና ዔሪ ካፓያ ማዒ ኮይሳኔ።

10 ዔያታ ቤርታዲ ዛጊንቲ ዔርቶንጎ፤ ዬካፓ ደንኪሳ ባኣዚ" ባኣያ ማዒ ጴዳቶ ሺኢጲያ ማኣሮ ዓሶ ዎይሣ ዓሶ ማኣዲ" ማዳዞንሣ ማጋገጥ።

11 ዬያጉዲ ሃሣ ላኣላ ዔያቶኮ ኮሺ ዓሲ ሃሣ ዓሲ ደንኩዎያ፣ ኮይሳ ጎይሣ ናንጋያ፣ ቢያ ባኣዚ"ናኣ ጉሙርቂንታያ ማዒ ኮይሳኔ።

12 ማኣዲ" ማዳ ዓሳ ፔቴ" ላኣሊ ዔኬያ ማዒ ኮይሳኔ፤ ሃሣ ፔኤኮ ናኣቶ"ና ማኣሮ ዓሶና ኮሺ" ዓርቂ ዎይሣያ ማዒ ኮይሳኔ።

13 ማኣዲ" ማዳያና ኮሺ ማዳ ማዳዞንሣ፡- ዴኤፒ ቦንቺንቲሣና ዬሱሰ ኪሪሰቶሴ ጉሙርቂዎ ዛሎ"ዎ ጫርቂ ኬኤዛያ ማዒንዳኔ።

**ያኦሲ ፔጋሴ ዴኤፖ ዓኣሺንቲ ማሊያ**

14 ሓያ ኪኢቶ" ታ ኔኤም ፃኣፓኣና ዑኬ ታ ኔና ሙኪ ዛጋንዳሣ ጉሙርቂኬ።

15 ታ ኔጌያ ማዔቴያ ያኦሲ ማኣራ ዓሳ ዎዲ" ናንጋንዳቴያ ኔ ዔራንዳጉዲ ጌይ ታ ኔኤም ሃያ ፃኣፓኔ፤ ዬና ማኣሮ ዓሳ ጎኡሞኮ ቱርቱሮና ቦኩሳሣና ማዔ፣ ናንጊና ባይቁዎ ያኦዛሣ ጉሙርቂ ዓሶኬ።

16 ኦኡኮ ካኣሽኪያኮ ያኦሲ ፔጋሴ ዓኣሺንቲ ማሊያ ጎኔና ዴኤፒኬ፤ ዬይያ ኪሪሰቶሴ ዛሎ"፡-

«ዓሲ ማዒ ጴዳሣ  
ጎኡማ ዓያናና ዔርቲሣ  
ያኦሲ ኪኢታንቸም ጴዳሣ

ዴር" ቢያም ኬኤዚንቴህ  
 ዓጮ"ይዳ ዓኣ ዓሳ ጉሙርቁህ  
 ቦንቸና ሌካ ጫሪንጮ ዔውቴህ» ጋዓሂኬ።

### 4

#### ሉኡዙሞና ዔርዛ ዓሶ ዛላ

1 ዓያና ጌኤሽ:- «ጋፒንጾ ዎድ" ባንሂ ማዓኣና ፔቴ" ፔቴ" ዓሳ  
 ዳቢሻ ዓያናና ፑርታ ዓያናናይዳፓ ማዔ ዔራቶ ዔኪ ጾኦሲ ካኣዙ  
 ሃሻ"ንዳኔ» ጌይ ፔጋሲ ኬኤዛኔ።

2 ዬያጉዴ ዔርዚፃ ኬሰካሂ ዔያቶኮ ዒና" ጾይዴ ዓንጊና  
 ሚቸንቴ ዑሂጉዲ ደጩያ ማዔ፣ ጎኔ ማሊሲ ሉኡቁ ኬኤዛ  
 ዓሶይዳፓኬ።

3 ዬያጉዴ ዓሳ ዔፒ ላኣጋኔ፤ ሐሣ ጾኦሲ ጉሙርቁ ዓሶና ጎኑሞ  
 ዔራ ዓሳ ጾኦሲ ጋላቲ ጋላቲ ሙዑዎጉዲ ጾኦሲ ማዜ ሙዎ  
 «ሙዒፖቴ» ጌይ ጌይ ላኣጋኔ።

4 ጋዓንቴ ጾኦሲ ማዜ ባካ ቢያ ኮሺኬ፤ ጾኦሲ ጋላቲ ሙይንቴያ  
 ማዔቴ ሃሺ"ንታ ባኣዚ" ባኣሴ።

5 ዎይቲ ጌዔቴ ጾኦሲ ቃኣላ" ጌዔ ጎይጾ ዒንሂኮ ሺኢጲጾና  
 ሙይንታኒ ዳንዳዓያ ማዓንዳኔ።

#### ጳውሎሴ ጊሞቴዎሴም ዞሬ ዞር

6 ሐያ ባኮ ኪሪሰቶሴ ጉሙርቁ ዓሶም ኔ ኬኤዚ ዔርዜቶ ጾኦሲ  
 ጉሙርቁጾ ቃኣሎ"ና ኮዙ ዔርዚጾና ዎይዚ ዎይዚ ዲጩያ፣ ዬሱሰ  
 ኪሪሰቶሴም ኮሺ ማዳያ ማዔሂ ዬያና ኔ ማርካሳንዳኔ።

7 ጋርቼ ላኣሎኮ ፓሡዎ ሐይሶና ሃያ ዓጮ"ኮ ጉሪ ማዔ  
 ሃይሶይዳፓ ሃኪ፣ ዓያና ዛላ ባኣዚ" ማዲ ማዲ ዔሬ።

8 ዑሂ ደዲሻኒ ማዲንታ ማዶ ዳካ" ዎዴር ማኣዳ"ኔ፤ ዓያና ዛላ  
 ባኣዚ" ማዲ ማዲ ዔሪሂ ጋዓንቴ ሐሂያ ማጾም ሃጊያ ማዓንዳ  
 ናንጎም ዎዛ ዓኣያ ማዔሂር ቢያሂም ማኣዳ"ያኬ።

9 ዬይ ዓሲ ቢያ ዔራኒ ኮይሳ ጎኔ ሐይሴኬ።

10 ኡኡኒያ ማታዲ ማዶና ለቢ"ንታሂ ዬያርኬ፤ ዓይጎር ጌዔቴ  
 ኡኡኒ ሃጊ ማዓንዳ ዎዞ" ጌሣሂ ዓሶ ቢያ፤ ባሽና ሐሣ ጾኦሲ  
 ጉሙርቁ ዓሶ ቢያ ዳቁሻያ፣ ባይቁዎ፣ ጾኣዛሂዳታሂርኬ።

11 ሃንሂሂ ባኮ ዓሶ ዓይሂ፤ ሃሣ ዔርዜ።

12 ኔኤኒ ዴጌ ማዔሂር ጾኡኒያ ኔና ቦሆፓ፤ ኔኤኒ ጋዓንቴ ጌሰታ  
 ጌኤዞና፣ ናንጋ ናንጎና፣ ናሹሞና፣ ጾኦሲ ጉሙርቁጾና ሃሣ ኔ ናንጎ

ዲኢሳ ባኣዚ "ፓ ጌኤሺ" ካፒሢና ኪሪሰቶሴ ጉሙርቃ ዓሶም ኮሺ ማለታ ማዔ።

13 ታኣኒ ኔ ኩራ ሙካንዲያ ሄላ "ንዳኣና ጌኤዠ ማፃኣፖ ዴሮ" ሞ ናባቢሢና፣ ኬኤዚሢሢና፣ ዔርዚሢሢና ዶዴ።

14 ያኦሲ ማሊፃ ኔኤም ኬኤዚንቴ ዎዶ"ና ሓሣ ሺኢጲያ ማኣር ዎይሣ ጨማ ኔ ዑፃ ኩጮ ጌሢ ዎዶ"ና ኔኤም ዲንጊንቴ ዓያኖ ዲንጊያ ማዳይዳ ፔኤሺያ ዋሊ"ፖ።

15 ኔኤኮ ዲጨያ ዓሳ ቢያ ዴንቃንዳጉዲ ዩንሢ ባኮንሢ ዶዲ ማዳ፤ ሃሣ ዩንሢ ባኮ ዲናፓ ማዳ።

16 ኔ ዛሎ"፤ ሃሣ ኔ ዔርዛ ዔርዚያ ዛሎ" ኔና ዔሬ፤ ዩንሢ ባኮንሢ ዶዲ ማዳ፤ ዩና ኔ ማዳቴ ኔናጎታ ኔኤፓ ዎይዛ ዓሶንታ ኔ ዳቂሻንዳኔ።

# 5

## ዓሲ ማኣዲ "ሢ ዛላ

1 ጋርቾ ዓቲንቆ ዓዶ ማሃ ዛጊ ዘዘራንዳኣፓዓቴም ጎሪ"ፖ፤ ዴጌ ዓቲንቆ ናኣቶ" ኔኤኮ ጌርሲንሢ ማሃ።

2 ሃሣ ጋርቾ ላኣሎ ኔኤኮ ዲንዶንሢ ማሃ ዛጌ፤ ዩያጉዲ ዴጌ ዉድሮ ናኣቶ" ኔኤኮ ጌርንሢ ማሃ ጌኤሺ ዲናና ዛጌ።

3 ጎኔና ዜኤሪይንዶ ማዔ፣ ሜታዳ ላኣሎ ዛጊ ማኣዴ።።

4 ዜኤሪንዶኮ ናይ፤ ሃሣ ናኣዚ" ናይ ዓኣቶ ዩንሢ ናኣቶ"ንሢ ፔ ማኣር ዓሶ ማኣዳ"ያ ሃሣ ዔያቶ ሸዔ ዓሶና ዓሆ፣ ማፖ ማዔ ዓሶም ኮሺ ማዳ ማሃኒ ኮይሳያ ማዔሢ ዔርንጎ፤ ዓይጎር ጌዔቴ ዩይ ያኦሲ ዎዛሳያ ማዔሢሮኬ።

5 ጎኔና ዜኤሪንዶ ማዔ፣ ፔኤር ናንጋዛ ፔኤኮ ሃጊ ማዓንዳ ዎዞ" ያኣዛሢ ዩሢ፣ ዎንቴና ሮኦሪና ያኦሲ ማኣዶ ኮዒ፣ ዲዛ ሺኢጲሢሢና ዶዲ ናንጋኔ።

6 ሓያ ዓጮ" ዎዞ" ሌሊ ናሸካ፣ ዜኤሪይንዶ ማዔ ላኣላ ጋዓንቴ ዔቂ ዓኣያ ሓይቂያኬ።

7 ዔኤቢ ዶንኪሳ ባኣዚ" ባኣያ ማዔ ናንጋንዳጉዲ ዔያቶ ዛሬ።

8 ፔ ዲጊሮም ባሺና ፔኤኮ ዑኬ ማኣር ዓሶ ማኣዲዎኣሢ፡- ያኦሲ ጉሙርቁያ ካኣዠ ሃሽ"ያኬ፤ ፔቶ" ኪሪሰቶሴ ጉሙርቁዎ ዓሶፓ ባሺ ፑርታ ዓሲኬ።

9 ለዓ ላሃታሚ" ለዔኮ ዴማ" ማዔ ዜኤሪንዶ ማዔ ላኣሎ ያኣፒ ዓርቆ ቤዛ ዓርቁፖ፤ ሓሣ ሱ"ንፃ ዓርቁንታ ዓሳ ፔቴ" ዓሲም ሎዔ ላኣሊ ማዓንዳያ ኮይሳኔ።

10 ሐሣ ናይ ቃራሲ ዲቻያ፡ ሾኦቹ ዔካያ፡ ያኦሲም ዲማዴ ዓሶኮ ቶኪ ማሰካያ፡ ማታዳ ዓሶ ማኣዳ"ያና ዓይጎዋ ኮሺ ማዶ ቢያ ማዲሢና ዔርቲያ ማዓኒ ኮይሳኔ።

11 ጋርቹባኣ፡ ዶዲ ማዔ፡ ዜኤሮይንዳሢ ጋዓንቴ ፃኣፒ ዓርቂፖ፤ ዓይጎሮ ጌዔቴ ዔያቶ ዓሸኮ ሱኡካ ባሺም፡ ኪሪሰቶሴ ዔያታ ናሸካ ናሹማ ዳኬ"ም ሎዓኒ ዔያታ ኮዓንዳያታሢሮኬ።

12 ዬያይዲ፡- ቤርታ ዔያታ ኪሪሰቶሴና ጫኣቁ ጫኣቁዎ ሃሻ"ንዳሢሮ ፑርታና ዎጊንታንዳኔ።

13 ሐሣ ዔያታ ማዶ ሃሺ" ዓሲ ማኣሪ ሃንቲሢ ዓርቃንዳኔ፤ ማዶ ሃሺ" ሃንታ ዓሲ ሌሊ ማዒባኣ፡- ዓሲ ደንካያ፡ ዓሲ ባኣዚ"ዳ ጌላያ፤ ሃሣ ጌሰታኒ ኮይሱዋ ባኣዚ" ጌሰታያ ማዓንዳኔ።

14 ዬያሮ ጋርቹባኣ ዜኤሪንዶ ማዔ ዶዶ ላኣላ፡- ሎዓንዳጉዲ፡ ናይ ሾዓንዳጉዲ፡ ማኣሮዎ ፔኤኮ ኮይሳ ጎይሢና ዎይሣያ ማዓንዳጉዲ ታ ዘራኔ፤ ያዲዳቴ፡- ሞርካሢ ኦና ጫሽኮንዶ ባኣዚ" ባይዘንዳኔ።

15 ጎኔና ሃያኮ ቤርታ ፃላሄ ጊንያ ሃንታኒ ፔቴ" ፔቴ" ዜኤሪንዶ ማዔ ላኣላ ያኦሲ ጉሙርቂያ ጎይፃፓ ዳቢንቲ ኬሰኬኔ።

16 ፔቴ" ኪሪሰቶሴ ጉሙርቂያ ማዔ፡ ላኣሊኮ ማርካ ዜኤሪንዶ ማዔ ላኣሊ ዓኣቶ፡- ዔያታ ሺኢጲያ ማኣሮኮ ማቶ ማዑዋጉዲ ዒዛ ዔያቶ ማኣዳ"ንጎ፤ ዬያይዲያና ሺኢጲያ ማኣራ ፔቴ"ታዎ ማኣዳ" ዓሲባኣ፡ ዜኤሮይንዶ ሌሊ ማኣዳ"ኒ ዳንዳዓንዳኔ።

17 ሺኢጲያ ማኣሮ ዓሶ ቃራሲ ዎይሣያ፤ ባሽ ኮዡ ሃይሶ ኬኤዚሢና ዔርቂሢና ላባ" ጨሞም ዒንጎ ባኣዚ" ጳንጩ ማሂ ዒንጋኒ ኮይሳኔ፤

18 ዓይጎሮ ጌዔቴ ጌኤዡ ማፃኣፓ፡- «ሃኣኮ ሺርካ ጌሜኮ ዳንጎ ቱኪ"ፖ» ዬያጉዲ ሃሣ፡- «ማዳሢም ማዶ" ዛሎ" ዒንጊንታንዳያ ኮይሳኔ» ጋዓኔ።

19 ላምዎ ሃሣ ሃይሣ ዓሲ ማርካዲባኣንቴ ሺኢጲያ ማኣሮ ጨሞ ዑፃ «ዳቤኔ» ጎዎ ባኮ ዎይዚፖ።

20 ማለ" ዓሳ ዒጊጪ ካፒንታንዳጉዲ ጎሞ ማዳ ዓሶ፡ ዓሶ ቢያኮ ቤርታ ጎሬ።

21 ኔኤኒ ማዳ ማዶ"ና ቢያ፡ ፔቴ"ያ ባጋሢዳፓ ባሺሱዋዎ ሃሣ ዎናኣ ዲማሱዋዎ ሃያ ታኣኮ ዘሮ" ቢያ ኔ ኩንሣንዳጉዲ ያኦሲና

5:18 ላሚ. ዎማ 25፥4፤ ማቴ. 10፥10፤ ሉቃ. 10፥7። 5:19 ላሚ. ዎማ 17፥6፤ 19፥15።

ዬሱስ ኪሪስቶስና ሃሣ ዶኑሪንቴ ኪኢታንቸና ማርካ ማሂ ታ ኔኤም ኬኤዛኔ።

22 ያጊዳኣ ኔ ኩጮ ጌሥሢና ዶኑሪኒ ሩኡሪፖ፤ ማሌ" ዓሶና ዋላ" ጎሜ ማዲሢረ ፔቴ" ማዲፖ፤ ኔ ቶኦኮ" ጌኤሺ" ካፔ።

23 ኔኤኮ ጎጾ ዶርዓሢና ቢያ ዎዴ ኔና ሃርጋ ሃርጎ ዛሎ" ዎይናፓ ኮሾ"ና ዑዠ ዳካ" ዑሽኬ፤ ዋኣሢ ሌሊ ዑሽኪፖ።

24 ፔቴ" ፔቴ" ዓሶኮ ጎማ ዔርቴያ ማዲ፥ ጋፒንፆ ዎጎ ኬላ" ሄሎ"ዋንቴ ቤርታዲ ዔያቶ ዓርቃኔ፤ ዛሎ" ዓሶ ጎማ ጋዓንቴ ጊንፃዲ ዓርቃኔ።

25 ዬያጉዲ ኮሺ ማዶ ፔጋኣኬ፤ ፔጋ ማዲባኣፖ ዓቴ"ያ ያዲ ዓኣሺንቴ ዓታ"ዓኬ።

# 6

## ዓሶኮ ዓይሌ" ማዲ ማዶ ዓሶም ኬኤዚንቴ ዘር

1 ያኦሲ ሱንፆና ኑ ዔርዛ ዔርዚፆና ጫሽኪንቴዋጉዲ ዓሶም ዓይሌ" ማዲ ማዶ ዓሶ ቢያ ዔያቶ ዎይሣ ዓሶ ቦንቹንታኒ ኮይሳሢ ዔርጎጎ።

2 ዔያቶ ዎይሣ ዓሶ፡ ኪሪስቶስ ጉሙርቃ ዓሲ ማዔ፥ ጎዳ ዬሱሴ ሱንፆና ዔያቶኮ ዒሾንሢ ማዔሢረ ዓይሎ" ማዔ ዓሶ ፔኤኮ ዎይሣ ዓሶ ቦፓፓ፤ ዔያታ ማዶ ማዶ"ና ማኣዲ"ንታ ዓሶ ኪሪስቶስ ጉሙርቃያና ናሽኪንታ ዒሾንሢያ ማዔሢረ ቤርታኣሰካፓ ባሽ ዔያቶም ማዶንጎ። ዬያር ኔኤኒ ዔርዛንዳያና ዘራንዳያና ኮይሳሢ ዬያኬ።

## ሚኢሺ ናሹዋ

3 ጎኔ ያኦሲ ካኣዠና ዋላ" ፔቴ" ማዔ ባኮ ዔርዚፆ፤ ሃሣ ጎዳ ዬሱስ ኪሪስቶስኮ ጎኔ ቃኣሎ" ሃሺ"፥ ዲማዴ ባኣዚ" ዔርዛ ዓሲ ዓኣቶ፡-

4 ዬይ ዓሢ ያፆቶርቃያኬ፤ ዔራ ባኣዚ"ያ ባኣያኬ። ጋዓንቴ ፔቴ" ጌይንቴ ባኣዚ"ዳ ማርሚሢና ዣሊሢናኮ ፑርታ ሱኡኬ ዓኣያኬ፤ ዬይ ባካ ቁኣሩዋ፥ ዑራ፥ ጫሽ፥ ፑርታ ዓልቲሢንታ፥

5 ዒና ባይቄያና ጎኑሞባኣ ዓሲ ማዣ ጋፑዋ ማርሞንታ ዔኪ ሙካኔ። ዬያጉዴ ዓሶም ያኦሲ ካኣሽኪፃ ቆሎ ዴንቂሢኮ ካራ ማዲ ጴዳኔ።

6 ጎኔና፡- «ታኣም ዓኣሢ ጊዳንዳኔ» ጋዓ ዓሲም ጋዓንቴ ያኦሲ ካኣሽኪፃ ዑሣ ዓኣዴ ያርጎቹሞኬ።

7 ዓይጎር ጌዔቴ ሃያ ዓጮ" ዓይጎዋ ኑ ዔኪ ዬዒባአሴ፤ ሃሣ ሃያ ዓጮ" ፓ ዔኪ ኑ ዓአዳንዳ፥ ዓይጎ ባአዚ"ያ ባአሴ።

8 ጋዓንቴ ኑ ሙዓንዳ ባአዚ"ና ማአዓንዳ ባአዚ"ና ዴንቁቴ ኑም ጊዳንዳ።

9 ዖርጎቹ ማዓኒ ኮዓዞንሢ ጋዓንቴ ዳቢሻ ፒርይዳ ጌሊ ዓሲ ፑርቲሳያና ባይዛ፥ ፓሁዋያና ሜቶ ማዔ ሱኡኬይዳ ዓርቁንቴ ሎኦማንዳ።

10 ዎይቲ ጌዔቴ ሚኢሼ ኮሺ" ናሽኪሢ ፑርቲሞ ቢያኮ ካራኬ፤ ፔቴ" ፔቴ" ዓሳ ሚኢሼ ዴንቃኒ ሱኡካዲያና ዖኦሲ ጉሙርቁያዳ ፓሃኪ፥ ፔ ናንጎ ሜቶይዳ ዓጌ።

**ጳውሎሴ ጊዋቴዎሴም ዓይሢ ባኮ**

11 ኔኤኒ ዖኦሲ ዓሢዮ! ዬያ ቢያይዳ ሺኢኬ፤ ጊሉ"ሞ፥ ጎኔ ዓያናና ዓአ ዓሲ ማዓሢ፥ ዖኦሲ ጉሙርቁሢ፥ ናሹሞ፥ ጊቢ" ዳንዳዒሢና ሼሌዑሞና ዓአያ ማዔ።

12 ዖኦሲ ጉሙርቁያ ዛሎ"ና ዓአ ኮዦ ዖሎ ዖልቲ፤ ሚርጌ ዓሳ ቤርቶይዳ ኮሺ" ጉሙርቁንቴሢና ኔ ማርካዴ፥ ሃሣ ዬያም ኔ ዔኤሊ"ንቴ፥ ናንጊና ናንጎይዳ ደዴ።

13 ቢያ ባአዚ"ም ሽምፖ ዒንጋ፥ ዖኦዛሢንጎ ሃሣ ጳንዖስጲላዖሴ ቤርታ ጎኑሞ ዛሎ" ማርካዴ፥ ዬሱስ ኪሪስቶሴንጎ ማርካ ማሂ ታ ኔና ዓይሢ።

14 ኑ ጎዳሢ፥ ዬሱስ ኪሪስቶሴ ሙካንዳያ ሄላ"ንዳኣና ሃያ ዓይሢያ ዳቢንቴ ባአያና ደንኪሳ ባአዚ" ባአያ ማዒ ካፔ።

15 ኪሪስቶሴኮ ሙኪያ ኬላ" ዓንጂንቴያና ፔኤር ዎይሣያ ማዔ፥ ካአቶ"ኮ ካአቲ፥ ጎዳቶኮ ጎዳ ጌሣ ኬሎ"ና ማዓንዳ፤

16 ዒዚ ሌሊ ሓይቁዎያኬ፤ ሃሣ ዖኦኒያ ባንሢ ዑካኒ ዳንዳዑሞ፥ ፖዒዳ ዒ ናንጋያኬ፤ ዒዛ ፔቴ"ታዖ ዛጌ ዓሲ ባአሴ፤ ሃሣ ዖኦኒያ ዒዛ ዛጋኒ ዳንዳዑሞ። ቦንቾና ዎልቁና ናንጊና ዒዛም ማዖንጎ፤ ዓአሜን።

17 ሓያ ዓጮ"ኮ ዖርጎጮ ዓሳ ዖቶርቁዎጉዲ ሃሣ ሃጊ ማዓንዳ ዎዞ" ዔያታ ፔኤኮ ባይቃ ቆሎ"ይዳ ማሁዋጉዲ፤ ዔያታ ጌሣ ሃጊ ማዓንዳ ዎዞ" ኑና ዎዛሳኒ ቢያ ባአዚ" ዑሣ ዓአሢ ኑም ዒንጋ፥ ዖኦዛሢ ዑፃ ማሃንዳጉዲ ዘሬ።

18 ሃሣ ኮሺ ማዶ ዔያታ ማዳንዳጉዲ፥ ዬያ ማዶ" ማዲያና ዔርቲ ዓሲ ማዓንዳጉዲ ሃሣ ዔያቶኮ ዓአ ባኮ ዒንጋኒና ፓቁ ጊሽታኒ ናሽካያ ማዓንዳጉዲ ዘሬ።

19 ዬያ ማዲያና ጎኔ ናንጎ ዴንቃኒ ዓይፃ ዶዲ ማዔ፥ ቆሎ" ሃጊ ሙካንዳ ዎደ"ኮ ፔኤም ዔያታ ቡኩሳያ ማዓንዳኔ።

20 ዲሞቴዎሴ! ያኦሲ ኔኤም ዒንጌ ባኮ ቢያ ካፔ፤ ዔራቶቴዎንቴ «ዔራቶኸ» ጌይንቴ፥ ፓሠዎ ዣላሢና ማርማሢ ሃሺ"።

21 ፔቴ" ፔቴ" ዓሳ፡- «ዬያጉዳ ዔራታ" ኑኡኮ ዓኣኔ» ጌዒ ያኦሲ ጉሙርቂያ ጎይያ ሃሺ" ከሰከኔ። ያኦሲኮ ኮሹሞ ዒንጊፃ ኔኤና ዎላ" ማዖንጎ።

**Maale New Testament**  
**The New Testament in the Maale language of Ethiopia**  
copyright © 2007 Bible Society of Ethiopia

Language: (Male)

Contributor: Bible Society of Ethiopia

**Maale New Testament**

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

---

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1